

ҚАЗАҚСТАН РЕСПУБЛИКАСЫНЫҢ АЗАМАТТЫҚ ҚОРҒАНЫСТЫ ЖЕТІЛДІРУ ШАРАЛАРЫ ТУРАЛЫ

Күшін жойған

ҚАЗАҚСТАН РЕСПУБЛИКАСЫ МИНИСТРЛЕР КАБИНЕТІНІҢ ҚАУЛЫСЫ
16 наурыз 1994 ж. N 275. Күші жойылды - ҚР Үкіметінің 2005 жылғы 9
ақпандағы N 124 қаулысымен

Республикада Азаматтық қорғанысты жетілдіру мақсатында Қазақстан
Республикасының Министрлер Кабинеті қаулы етеді:

1. Мыналар бекітілсін:

Қазақстан Республикасының Азаматтық қорғанысы туралы ереже;
< * >

**Ескерту. 1-тармақтың үшінші абзацы күшін жойды - ҚРМҚ-нің
1995.12.19. N 1820 қаулысымен.**

2. Облыстарда, қалалар мен аудандарда, министрліктер мен ведомстволарда,
мекемелер мен ұйымдарда және меншік нысандарына қарамастан
кәсіпорындарда Азаматтық қорғанысқа басшылық жасау, тиісті атқару
органдарының, министрліктер мен ведомстволардың, мекемелер мен
ұйымдардың және кәсіпорындардың басшыларына жүктелсін.

Осы аталған басшылар лауазымы жөнінен тиісті облыстардағы, қалалар мен
аудандардағы, министрліктердегі, ведомстволардағы, мекемелер мен
ұйымдардағы және кәсіпорындардағы азаматтық қорғаныстың бастығы болып
б е л г і л е н с і н .

3. Атқарушы органдардың, министрліктердің, ведомстволардың,
мекемелердің, ұйымдар мен кәсіпорындардың басшылары азаматтық қорғанысты
ұйымдастыру және оның шараларын жүзеге асыру үшін, азаматтық қорғаныстың
жеке қорғаныс құралдары мен ұжымдық қорғаныс құралдарының қорларын
құрау, жинақталған қорлары мен мүлкінің сақталуын қамтамасыз ету үшін,
сондай-ақ төтенше жағдайларда ведомстволарға қарасты аумақтар мен
объектілерде халықты іс-қимыл жасай білуге даярлау мен оқытуға жеке-дара
жауап береді деп белгіленсін.

Бұл жұмысты жүргізу үшін өз құрылымдарында арнайы дербес бөлімшелер
құрсын, ал азаматтық қорғаныс жөніндегі жұмыс көлемі шағын жерлерде арнайы
қызметкер тағайындалатын болсын.

4. Қазақстан Республикасы азаматтық қорғаныс штабының бастығы мүдделі
министрліктермен, ведомстволармен бірлесе отырып, 2 ай мерзім ішінде

Қазақстан Республикасы азаматтық қорғанысының әскери емес құрылымдары туралы ереженің жобасын әзірлеп, бекітсін.

Қ а з а қ с т а н Р е с п у б л и к а с ы н ы ң

Премьер-министрі

Қ а з а қ с т а н Р е с п у б л и к а с ы

М и н и с т р л е р К а б и н е т і н і ң

1 9 9 4 ж ы л ғ ы 1 6 н а у р ы з д а ғ ы

№ 2 7 5 қ а у л ы с ы м е н

Бекітілген

Қазақстан Республикасының азаматтық қорғанысы

т у р а л ы

ЕРЕЖЕ

1. Осы Ереже Қазақстан Республикасы азаматтық қорғанысының негізгі мақсаты мен міндеттерін, ұйымдастырылуы мен жұмыс істеу тәртібін, жергілікті атқару органдарының, министрліктердің, ведомстволардың, кәсіпорындар мен ұйымдардың, сондай-ақ лауазымды адамдар мен азаматтардың азаматтық қорғаныстың міндеттерін шешу жөніндегі өкілеттігі мен міндеттерін белгілейді.

2. Қазақстан Республикасының азаматтық қорғанысы бейбіт кезең мен соғыс уақытында республиканың халқы мен экономикасын стихиялық зілзалалар, ірі авариялар, апаттар зардаптары мен дұшпанның қазіргі заманғы зақымдау құралдарын ықтимал қолдануының зардаптарынан қорғау шараларын жүзеге асыру үшін, сондай-ақ зақымдалу ошақтары мен төтенше жағдайлар туған аудандарда құтқару ісі мен басқа да шұғыл жұмыстарды жүргізу үшін т а ғ а й ы н д а л а д ы .

Қазақстан Республикасының азаматтық қорғанысы Төтенше жағдайларда сақтандырудың және іс-әрекет жасаудың республикалық жүйесінің құрамына енеді және жүйе туралы Ережеге сәйкес міндеттерді орындайды.

3. Азаматтық қорғаныстың негізгі міндеттері:

бейбіт кезең мен соғыс уақытындағы төтенше жағдайлар зардаптарынан халықты қорғау және олардан келетін залалды азайту жөнінде шаралар кешенін даярлап, күнілгері жүзеге асыру;

бейбіт кезең мен соғыс уақытында құтқару ісі мен басқа да шұғыл жұмыстарды және зардап шеккен халыққа көмек көрсетуді ұйымдастырып, ө т к і з у ;

құтқару жұмыстарын жүргізуге қажетті күштер мен құрал-жабдықтарды әзірлеп, даярлықта ұстау;

азаматтық қорғаныстың басшы құрамын, басқару органдары мен күштерін даярлау, бейбіт кезең мен соғыс уақытындағы төтенше жағдайларда қорғану тәсілдері мен іс-қимыл жасауға халықты жаппай оқытып-үйрету;

азаматтық қорғанысты басқару жүйесін, стихиялық зілзалалар, ірі авариялар, апаттар қаупі төнгендігі және туғандығы, дұшпанның қазіргі заманғы қару-жаракты қолдану қатері төнгендігі жайында халықты құлақтандыру мен хабар беру жүйесін құрып, оны жоғары әзірлік деңгейінде ұстау, радиоактивтік, химиялық және бактериологиялық ластануға тұрақты байқау мен бақылауды ұйымдастыру;

бейбіт кезең мен соғыс уақытында экономика және тіршілікті қамтамасыз ету салалары мен объектілерінің тұрақты жұмыс істеуін арттыру жөніндегі шараларды жүзеге асыру болып табылады.

4. Қазақстан Республикасының азаматтық қорғанысы аумақтық-өндірістік негізде республика аумағында ұйымдастырылады және оның құрамына мынадай органдар енеді:

а) азаматтық қорғаныстың басқару органдары;

Қазақстан Республикасының азаматтық қорғаныс Штабы;
ведомстволық қарасты бөлімшелері мен мекемелерін қоса азаматтық қорғаныстың облыстық, аудандық, қалалық, қалалардағы аудандық штабтары;
жергілікті атқару органдарының, министрліктердің, мемлекеттік комитеттердің, ведомстволардың, кәсіпорындардың, ұйымдар мен мекемелердің бөлімдері, секторлары, топтары;

жергілікті атқару органдарының, министрліктердің, мемлекеттік комитеттердің, ведомстволардың, кәсіпорындардың, ұйымдар мен мекемелердің (штаттан тыс) штабтары, қызметтері, көші-қон органдары;

азаматтық қорғаныс органдарының кезекші қызметтері, хабар беру мен байланыс бөлімшелері, басқару пункттері;

ә) азаматтық қорғаныс күштері:

азаматтық қорғаныстың аумақтық және ведомстволық әскерилендірілмеген құрылымдары;

министрліктердің, ведомстволар мен кәсіпорындардың апаттан құтқару жөніндегі мамандандырылған құрылымдары;

азаматтық қорғаныстың аталған басқару органдары мен күштерінің құрылымы, құрамы, міндеттері мен қызметі тиісті ережелермен белгіленеді.

5. Қазақстан Республикасының азаматтық қорғанысына жалпы басшылықты Қазақстан Республикасының Премьер-министрі жүзеге асырады. Ол лауазымы бойынша Қазақстан Республикасы азаматтық қорғанысының бастығы болып табылады.

Қазақстан Республикасы азаматтық қорғаныс Штабының бастығы Қазақстан Республикасы азаматтық қорғаныс бастығының орынбасары болып табылады.

Министрліктерде, ведомстволарда, облыстарда, қалаларда, қалалық және селолық аудандарда, мекемелерде, ұйымдар мен меншіктің барлық нысанындағы

кәсіпорындарда азаматтық қорғанысқа басшылықты олардың бірінші басшылары жүзеге асырады, олар лауазымдары бойынша азаматтық қорғаныс бастықтары болып табылады.

6. Азаматтық қорғаныс жөніндегі әзірлік ықтимал төтенше жағдайларды, сондай-ақ жаудың шабуылдық қару-жарағының дамуын ескере отырып күнілгері жүргізіледі.

Азаматтық қорғаныс міндеттерін орындауды қамтамасыз ететін шаралар сипатын, көлемі мен мерзімін қалалардың, басқа да елді мекендер мен экономикалық объектілердің саяси, экономикалық және қорғаныстық маңызын ескере отырып, Қазақстан Республикасының Министрлер Кабинеті белгілейді.

Осы мақсатпен ірі әкімшілік орталықтары мен өнеркәсіптік қалалар азаматтық қорғаныс жөнінде айрықша, бірінші, екінші және үшінші топтағы қалалар болып, ал аса маңызды экономикалық объектілер азаматтық қорғаныс жөнінде аса маңызды, бірінші, екінші дәрежелі объектілер болып бөлінеді.

Қалаларды азаматтық қорғаныс жөнінде аталған топтарға жатқызуды жергілікті атқару органдарының Қазақстан Республикасы азаматтық қорғаныс Штабымен келісілген ұсыныстары бойынша Қазақстан Республикасының Министрлер Кабинеті жүргізеді.

Экономикалық объектілерді азаматтық қорғаныс жөнінде категорияларға жатқызуды олардың бағыныстылығына қарай тиісті жергілікті атқару органдары, республика министрліктері мен ведомстволары азаматтық қорғаныстың аумақтық штабтарымен келісе отырып жүзеге асырады.

Азаматтық қорғанысты белгіленген даярлық дәрежесіне жеткізу, оны бейбіт жағдайдан соғыс жағдайына көшіру және оған жүктелген міндеттерді орындау жөніндегі шараларды жүзеге асыру үшін Қазақстан Республикасы Үкіметінің шешіміне сәйкес азаматтық қорғаныс жоспары жасалынады.

7. Жергілікті атқару органдары азаматтық қорғанысқа тиісті аумақта басшылық етіп, мынадай қызметтерді жүзеге асырады:

азаматтық қорғаныс жөніндегі шаралар мен тапсырмаларды орындауды қамтамасыз етеді, осы мақсатта ведомстволық қарасты аумақта орналасқан меншіктің барлық түріндегі объектілер, лауазымды адамдар мен азаматтар орындауға міндетті шешімдер қабылдайды;

стихиялық зілзалалардың, авариялар мен апаттардың, дұшпанның қазіргі заманғы қару-жарақ қолдануының зардаптарын жою жөніндегі құтқару ісі мен басқа да шұғыл жұмыстарды ұйымдастырып, жүргізуді қамтамасыз етеді;

азаматтық қорғаныс басқару пункттерінің, құлақтандыру жүйесінің, қорғаныс құрылыстарының, қажетті күштері мен құралдарының жасалып-құрылып, даярлықта ұсталуын, халықты оқытып-үйретуді, басқару органдарының бейбіт кезең мен соғыс уақытындағы төтенше жағдайлардың алдын алу мен іс-қимыл

жасау жөніндегі оқу-жаттығуларын өткізуді қамтамасыз етеді;

азаматтық қорғаныс жөніндегі топтарға жатқызылған қалалар мен төтенше жағдай аудандарынан халықты көшіруді жоспарлап, қажетті жағдайда оны жүзеге асырады, қала сыртында көшірілгендерді қабылдау және олардың тіршілігін қамтамасыз ету жөнінде жағдайлар туғызу үшін орналастыратын аудандарды даярлайды;

жұмылдыру даярлығы жөніндегі шаралар жүйесінде азаматтық қорғаныс іс-шараларын жоспарлап, өткізуді ұйымдастырады;

азаматтық қорғаныс шараларын қаржыландыруды және материалдық-техникалық жағынан қамтамасыз етуді, соның ішінде оқу-материалдық базасын құрып, жетілдіру ісін жүзеге асырады.

8. Министрліктердің, ведомстволардың, ұйымдардың, мекемелер мен кәсіпорындардың басшылары азаматтық қорғаныстың міндеттері мен шараларының орындалуына, бейбіт кезең мен соғыс уақытындағы төтенше жағдайларда басқару органдарының, құрал-жабдықтардың іс-қимыл жасауға даяр тұруына, төтенше жағдайлардың және дұшпан шабуылының зардаптарынан өндірістік персонал мен объектілерді қорғау жөніндегі шараларды жүзеге асыруға жауап береді.

Министрліктер мен ведомстволарға мынадай міндеттер жүктеледі:

саланың орталық басқару аппаратында және ведомстволық қарасты құрылымдарында азаматтық қорғаныстың күнделікті ахуалдағы және бейбіт кезең мен соғыс уақытындағы төтенше жағдайлардағы міндеттері мен шараларының орындалуын қамтамасыз ету;

саланың азаматтық қорғанысының бейбіт кезең мен соғыс уақытына және есепті жылға арналған жоспарларын әзірлеу, ведомстволық қарасты бөлімшелердің азаматтық қорғанысын жоспарлауға әдістемелік басшылық ету;

ведомстволық қарасты объектілердегі жұмысшылар мен қызметкерлерді стихиялық авариялар, апаттар, стихиялық зілзалалар мен қазіргі заманғы шабуыл құралдарының зардаптарынан қорғау жөніндегі шаралар кешенін жүзеге асыруға әдістемелік басшылық ету;

басқару аппаратын бейбіт кезең мен соғыс уақытындағы төтенше жағдайларда өз қызметін жалғастыруды қамтамасыз ететін пункттерге көшіру жөніндегі шараларды жоспарлап, жүзеге асыру, қала сыртындағы орналастыру аудандарын күнілгері даярлау жөнінде шаралар қолдану;

басшы құрам мен командалық басқарушы құрамды, жұмысшылар мен қызметкерлерді оқытып-үйретуді жоспарлап, ұйымдастыру, төтенше жағдайлар мен дұшпан шабуылы кезінде іс-қимыл жасауға әзірлеу мақсатында басқару органдары мен құрылымдарының оқу-жаттығуларын өткізу;

апатты жағдайлардың туу қаупін азайту, саланың, бірлестіктер мен

кәсіпорындардың бейбіт кезең мен соғыс уақытындағы төтенше жағдайларда тұрақты жұмыс істеуін арттыру жөніндегі шараларды әзірлеп, жүзеге асыруға б а с ш ы л ы қ е т у ;

басқару пункттері мен олардың бөлімшелерін құру, сондай-ақ олардың және бағынысты күштер мен құрал-жабдықтардың төтенше жағдай туған кезде іс-қимыл жасауға ұдайы даяр тұруын қамтамасыз ету;

азаматтық қорғаныс шараларын белгіленген тәртіппен қаржыландыруды және материалдық-техникалық жабдықтауды қамтамасыз ету;

төтенше жағдайлардың алдын алу, құтқару жұмыстарын қамтамасыз ету және зардап шеккендерге көмек беру жөнінде шараларды жүргізудің жедел қажеттігі жағдайына арнап қаржылық және материалдық-техникалық резервтерді жасау.

9. Меншіктің барлық нысанындағы өнеркәсіп объектілері мен шаруашылық жүргізуші субъектілер басшыларының негізгі міндеттері:

объектіде бүкіл азаматтық қорғаныс шараларының кешеніне тікелей б а с ш ы л ы қ е т у д і жүзеге а с ы р у ;

объектіде және авариялар мен апаттар зардаптарының халықтың өмірі мен денсаулығына әсер ету аймағында сенімді құлақтандыру және хабар беру жүйесін ұйымдастырып, оның даяр тұруын қамтамасыз ету;

объект жұмысшыларының стихиялық зілзалалар, авариялар, апаттар мен дұшпанның шабуыл құралдарын қолдануының зардаптарынан бой тасалауы үшін қорғаныс құрылыстары қорын құру;

азаматтық қорғаныстың әскерилендірілмеген құрылымдарын құрып, оларды қажетті техникамен және мүлікпен жарақтандыру, оқытып-үйретіп, даярлықта ұ с т а у ;

объект персоналын бейбіт кезең мен соғыс уақытындағы төтенше жағдайлар туу қаупі төнген және туған кезде қорғану тәсілдері мен іс-қимыл жасауға оқытып-үйретуді ұйымдастыру, басқару органдарының оқу-жаттығуларын ә з і р л е п , ө т к і з у ;

объектіде ықтимал авариялар мен апаттар болу мүмкіндігін саралап, тиісті алдын алу шараларын ұйымдастыру, азаматтық қорғаныстың аумақтың органдарына халықты құлақтандыру мен хабардар ету, оны қорғау, авариялар мен апаттар зардаптарын жою барысында құтқару ісі мен басқа да шұғыл жұмыстарды жүргізу жөніндегі шараларды дер кезінде қолдану мақсатында қажетті мәліметтерді беріп отыру;

бейбіт кезең мен соғыс уақытына арналған азаматтық қорғаныс жоспарларын, бейбіт кезең мен соғыс уақытындағы төтенше жағдайларда объект қызметінің тұрақтылығын арттыру мүдделеріне орай өндірістік қорларды, тіршілікті қамтамасыз ету жүйелері мен материалдық жабдықтарды қорғау жөніндегі ұйымдастыру, инженерлік-техникалық және арнаулы шараларын әзірлеп, жүзеге

а с ы р у ;

қызметкерлер мен олардың отбасыларының мүшелерін көшіру үшін қала сыртындағы аймақты дайындап, көшірілетіндердің тіршілігін қамтамасыз ету үшін жағдайлар жасау;

стихиялық зілзалалар, авариялар, апаттар мен дұшпанның атыс құралдарын қолдануының зардаптарын жою барысында құтқару ісі мен басқа да шұғыл жұмыстарға тікелей басшылық ету;

азаматтық қорғаныс шараларын, соның ішінде оқу-материалдық базасын құру және нығайту жөніндегі шараларды қаржыландыру мен материалдық-техникалық қамтамасыз етуді ұйымдастыру.

10. Азаматтық қорғаныстың негізгі міндеттерін шешуді қамтамасыз ету мүддесіне орай азаматтық қорғаныс штабтары мынадай қызметтерді жүзеге асырады :

азаматтық қорғаныс шараларының бүкіл кешенін орындауды ұйымдастырып, күштер мен құрал-жабдықтардың төтенше жағдайларда және дұшпанның жаппай қырып-жою қаруы мен басқа да шабуыл құралдарын қолданған жағдайында іс-қимылға даяр тұруына бақылау жасауды жүзеге асырады;

құтқару жұмыстарын жүргізу кезінде азаматтық қорғаныс күштерін басқаруды қамтамасыз етеді;

азаматтық қорғаныстың бейбіт кезең мен соғыс уақытына арналған жоспарларын әзірлеп, олардың жүзеге асырылуына бақылау жүргізеді;

аумақтық және салалық басқару органдарының, кәсіпорындардың, ұйымдар мен мекемелердің азаматтық қорғаныс жоспарларын әзірлеуге әдістемелік басшылықты жүзеге асырып, олардың толық та сапалы болуына бақылау жасайды ;

қорғаныс құрылыстарының, басқару пункттерінің, құлақтандыру және байланыс жүйелерінің құрылысына және оларды даярлықта ұстауға бақылауды жүзеге асырады ;

басшы құрамның азаматтық қорғаныс жөніндегі даярлығын жоспарлап, жүзеге асырады, сондай-ақ халықтың азаматтық қорғаныс жөніндегі оқып-үйренуіне бақылау жасайды ;

бейбіт кезең мен соғыс уақытындағы төтенше жағдайларда азаматтық қорғаныстың басқару органдары мен республика халқын құлақтандыру жүйесінің құрылып, даяр тұруын қамтамасыз етеді ;

азаматтық қорғаныс штабтары мен әскери бөлімдерінде, мекемелері мен бөлімшелерінде жедел, әскери және жұмылдыру даярлығы шараларын жоспарлауды жүзеге асырып, олардың орындалуын қамтамасыз етеді.

11. Қазақстан Республикасының еңбек етуге жарамды азаматтары жеке, қоғам және мемлекет мүдделерін қамтамасыз ету мақсатымен азаматтық қорғаныс

жөніндегі шараларға қатысады және оларға мынадай міндеттер жүктеледі:

стихиялық зілзалалар, авариялар мен апаттар зардаптарынан қорғанудың негізгі әдістері мен құралдарын білу, бейбіт кезең мен соғыс уақытындағы төтенше жағдайларда дұрыс іс-қимыл жасай білу және зардап шеккендерге көмек көрсете білу;

төтенше жағдайлардың зардаптарын жою кезінде құтқару ісі мен басқа да шұғыл шараларға қатысу;

азаматтық қорғаныстың материалдық-техникалық базасы мен мүлкіне ұқыпты қарау.

12. Қазақстан Республикасы азаматтарының азаматтық қорғаныс жөніндегі құқықтары Қазақстан Республикасының Конституциясы мен заңдарына сәйкес қамтамасыз етіледі.

13. Қазақстан Республикасының барлық азаматтары стихиялық зілзалалар, авариялар мен апаттар зардаптарынан қорғану әдістері мен тәсілдеріне, сондай-ақ төтенше жағдайлар туу қаупі төнген және туған кезде іс-қимыл жасауға оқытып-үйретіледі.

Халықты азаматтық қорғаныс жөнінде оқытып-үйрету тәртібін, мөлшерін және кезеңдерін Қазақстан Республикасының Министрлер Кабинеті белгілейді.

Тиімді оқытып-үйретуді ұйымдастыру үшін азаматтық қорғаныстың оқу-материалдық базасы туралы Ережеге сәйкес құрылып, ұсталатын оқу-материалдық базасы пайдаланылады.

Басшы құрамды, басқару органдарын, өндірістік және меншіктің барлық нысанындағы басқа да объектілерді және әскерилендірілмеген құрылымдары азаматтық қорғаныс жөнінде даярлау Төтенше жағдайлар мен азаматтық қорғанысқа әзірлеудің республикалық және жергілікті орталықтарында, біліктілігін көтеру жөніндегі оқу орындарында, сондай-ақ еңбек ету орындарында оқу топтарының құрамында жүзеге асырылады. Оқытып-үйрету даярлау орталықтары туралы Ережеге сәйкес, өндірістен қол үзе отырып ұйымдастырылады.

Азаматтық қорғаныстың әскерилендірілмеген құрылымдарының жеке құрамын даярлау жұмыс уақытында тікелей объектілерде жергілікті бюджеттердің және кәсіпорындар мен ұйымдардың қаражаттары есебінен жүргізіледі. Өндіріс саласында қамтылмаған халықты оқытып-үйрету, тұрғылықты жерлерінде бұқаралық ақпарат құралдары арқылы, азаматтық қорғаныс бойынша практикалық дәрістер мен жаттығуларға тарту арқылы дербес даярлық жолмен жүргізіледі.

Баспасөз және бұқаралық ақпарат органдары халықты төтенше жағдайларда қорғану әдістері мен іс-қимыл жасауға үйрету мақсатында азаматтық қорғаныс материалдарын насихаттауға міндетті.

Жоғары, орташа арнаулы, кәсіптік-техникалық және басқа да оқу орындарының студенттерін азаматтық қорғаныс бойынша оқытып-үйрету оқу мерзімінде, Білім министрлігінің Қазақстан Республикасының азаматтық қорғаныс Штабымен бірлесіп әзірлеген бағдарламалары бойынша, жүргізіледі.

14. Мемлекеттік басқару органдарын, халықты төтенше жағдайлар туу қаупі төнген және туған кезде құлақтандыру және тұрақты хабар беріп отыру жүйесі Қазақстан Республикасының Үкіметі белгілеген тәртіппен іске енгізіледі.

Азаматтық қорғаныс штабтары төтенше жағдайлар жөніндегі аумақтық комиссиялардың, министрліктердің, ведомстволар мен кәсіпорындардың кезекші-диспетчерлік қызметтерімен бірлесе отырып, республика аумағындағы жағдайда тұрақты жедел бақылау жасауды ұйымдастырып, жүзеге асырады және төтенше жағдайлар туу қаупі кенеттен төнген және туған жағдайларда шұғыл шешімдер қабылдайды, бұл жайында төтенше жағдайлар жөніндегі тиісті комиссияларға баяндап отырады.

Жергілікті атқару органдарының, министрліктердің, ведомстволар мен кәсіпорындардың басшылары азаматтық қорғаныс штабтарын төтенше жағдайлардың туу қаупі мен туғандығы жөнінде және оперативтік жағдайдың өзгеруі туралы дер кезінде және толық хабардар етіп отыруды қамтамасыз етуге м і н д е т т і .

15. Азаматтық қорғаныс шараларын қаржыландыру республикалық және жергілікті бюджеттердің, сондай-ақ министрліктердің, ведомстволардың, кәсіпорындардың, ұйымдар мен меншіктің барлық нысанындағы кәсіпорындардың қаражаттары есебінен жүзеге асырылады.

Халықты қорғау шараларын өткізумен байланысты, төтенше жағдайлар зардаптарын жою барысында құтқару және авариялық жөндеу жұмыстарын жүргізумен байланысты шығындарды өтеу төтенше жағдайлардың зардаптарын жоюға арналған қаржыландыру көздерінің есебінен жүзеге асырылады.

Азаматтық қорғаныстың әскерилендірілмеген құрылымдарын, жұмысшылар мен қызметкерлерді арнаулы мүлікпен қамтамасыз ету үшін министрліктерде, ведомстволар мен кәсіпорындарда жұмылдыру резерві құрылады. Жұмылдыру резервіндегі азаматтық қорғаныстың арнаулы мүлкінің номенклатурасын, көлемі мен жинақталу мерзімін жергілікті атқару органдары, министрліктер, ведомстволар мен кәсіпорындар Қазақстан Республикасының Экономика министрлігімен, Қазақстан Республикасының Министрлер Кабинеті жанындағы Мемлекеттік материалдық резервтер жөніндегі комитетпен келісе отырып әзірлеп, Қазақстан Республикасының Министрлер Кабинеті бекітеді.

Жергілікті атқару органдары жұмылдыру резерві мүлкінің жинақталуы, сақталуы және дер кезінде жанартылып отыруына жауап береді.

Азаматтық қорғаныстың жұмылдыру резервінде арнаулы мүліктің

жинақталуы мен сақталуына бақылауды Қазақстан Республикасының Министрлер Кабинеті жанындағы Мемлекеттік материалдық резервтер жөніндегі комитет пен азаматтық қорғаныс штабтары жүзеге асырады.

16. Азаматтық қорғаныс штабтарының, бөлімдерінің, мекемелері мен бөлімшелерінің әскери қызметшілері республикалық бюджеттің қаражаты есебінен ұсталынып, міндетті әскери қызмет өткереді және Қазақстан Республикасының заң актілеріне сәйкес Қазақстан Республикасының Қарулы Күштер, басқа әскерлері мен әскери құрылымдары, қызметшілері үшін көзделген барлық құқықтар мен жеңілдіктерді пайдаланады.<*>

< * >

Азаматтық қорғаныс штабтарын, бөлімдері мен бөлімшелерін материалдық-техникалық қамтамасыз ету Қазақстан Республикасының мемлекеттік органдары арқылы, сондай-ақ кәсіпорындармен, мекемелермен және ұйымдармен, соның ішінде шетелдік ұйымдармен тікелей шарттар бойынша жүзеге асырылады.

Материалдық-техникалық қамтамасыз ету тәртібі мен нормаларын Қазақстан Республикасының Министрлер Кабинеті белгілейді.

Жергілікті атқару органдары азаматтық қорғаныс штабтарына, бөлімдері мен бөлімшелеріне қызмет және қойма үй-жайларын, штаттық автокөлікті, әскери қалашықтар, оқу орталықтары, қосалқы шаруашылықтар мен басқа да объектілер үшін Қазақстан Республикасының заңдарына сәйкес жер пайдалану құқығын бекіте отырып, жер учаскелерін бөледі.

Жергілікті қорлардан берілген үйлер, жайлар, автокөлік, мүкәммал және жабдық үшін ақы алынбайды.

Штабтар, бөлімдер мен бөлімшелердің әскери қызметшілері мен қызметкерлерін тұрғын үймен қамтамасыз етуді жергілікті атқару органдары мен Қазақстан Республикасының Қорғаныс министрлігі олардың орналасқан жері бойынша қамтамасыз етеді.

Ескерту. 16-тармаққа өзгеріс енгізілді - ҚРҰ-нің 1996.04.29. N 523 қаулысымен, 1996.12.25. N 1620 қаулысымен.

17. Азаматтық қорғаныс штабтарының бөлімдері мен бөлімшелерінің қызметінде заңдардың дәл және біркелкі орындалуына бақылауды Қазақстан Республикасының Бас прокуроры мен ол өкілеттік берген прокурорлар жүзеге асырады.

Қаржы-шаруашылық қызметіне Қазақстан Республикасының Министрлер Кабинеті жанындағы Мемлекеттік қаржы бақылау комитеті мен Қазақстан Республикасы Қаржы министрлігінің Бас салық инспекциясы бақылау жүргізеді.

Қазақстан Республикасы
Министрлер Кабинетінің
1994 жылғы 16 наурыздағы
№ 275 қаулысымен
Бекітілген

Қазақстан Республикасының азаматтық қорғаныс Штабы туралы

ЕРЕЖЕ

1. Қазақстан Республикасының азаматтық қорғаныс Штабы Қазақстан Республикасының азаматтық қорғанысына тікелей басшылықты жүзеге асырып, Қазақстан Республикасы азаматтық қорғаныс бастығының жұмыс органы болып табылады.

Қазақстан Республикасының азаматтық қорғаныс Штабы өзіне бағынысты облыстық, қалалық азаматтық қорғаныс штабтарын, әскери бөлімдерді, мекемелер мен бөлімшелерді басқарып, олардың қызметіне бағыт-бағдар беріп, үйлестіреді және бақылау жасап отырады.

Қазақстан Республикасының азаматтық қорғаныс Штабы өз құзырының шегінде азаматтық қорғаныс мәселелері бойынша министрліктердің, ведомстволардың, меншік нысанына қарамастан кәсіпорындардың, ұйымдар мен мекемелердің, Үкіметтің заң, нормативтік актілері мен шешімдерін орындау мәселелері жөніндегі қызметіне, азаматтық қорғанысқа бөлінген қаржының жұмсалуына бақылауды жүзеге асырып, Қазақстан Республикасы азаматтық қорғаныс жүйесінің оған күнделікті ахуалда, төтенше жағдайларда және соғыс уақытында жүктелген міндеттерді орындауға даярлығын қамтамасыз етуі үшін жауап береді.

Қазақстан Республикасы азаматтық қорғаныс Штабының бастығы Қазақстан Республикасы азаматтық қорғанысы бастығының орынбасары болып табылады. Оны Қазақстан Республикасының Министрлер Кабинеті қызметке тағайындап, қызметтен босатады.

Қазақстан Республикасы азаматтық қорғаныс Штабының, азаматтық қорғаныс штабтарының, әскери бөлімдерінің және мекемелерінің құрылымы мен штаттарын белгіленген саны мен еңбекке ақы төлеу қоры және олардың қызметі туралы ереже шегінде Штаб бастығы бекітеді.

Республиканың азаматтық қорғаныс Штабы Қазақстан Республикасының Қорғаныс министрлігімен мынадай мәселелер бойынша бірлесіп іс-қимыл жасайды:

азаматтық қорғаныстың әскери бөлімдерін, штабтарын мен мекемелерін бейбіт кезең мен соғыс уақытында жаппай жұмылдыру және даярлыққа келтіру; бейбіт кезеңдегі ірі ауқымды төтенше жағдайларда және соғыс уақытында

зақымдалу ошақтарында құтқару ісі мен басқа да шұғыл жұмыстарды жүргізу үшін бірлесіп қимыл жасау және әскери бөлімдерді тарту жоспарын әзірлеу; азаматтық қорғаныс күштерін, басқару органдары мен мекемелерін әскери, арнаулы техникамен және материалдық-техникалық мүлікпен жарақтандыру; азаматтық қорғаныс жоспарын әзірлеуге қажетті әскери сипаттағы негізгі мәліметтермен азаматтық қорғаныс органдарын қамтамасыз ету.

Төтенше жағдайлар туған кезде, құтқару ісі мен басқа да шұғыл жұмыстарды жүргізу үстінде Қазақстан Республикасының азаматтық қорғаныс Штабы Қазақстан Республикасының Төтенше жағдайлар жөніндегі мемлекеттік комиссиясы жүргізетін шараларға қатысады.

Қазақстан Республикасының азаматтық қорғаныс Штабы заңды тұлға болып табылады. Оның Қазақстан Республикасының Мемлекеттік Елтаңбасы белгіленген, қазақ, орыс тілдерінде атауы жазылған мөрі болады.

Министрліктердің, ведомстволардың, облыстардың, қалалардың, қалалық және селолық аудандардың, мекемелердің, ұйымдар мен меншіктің барлық нысанындағы кәсіпорындардың азаматтық қорғаныс штабтары азаматтық қорғаныстың тиісті бастықтарының жұмыс органдары болып, ал штабтардың бастықтары олардың азаматтық қорғаныс мәселелері жөніндегі орынбасарлары б о л ы п т а б ы л а д ы .

2. Қазақстан Республикасы азаматтық қорғаныс Штабының негізгі міндеттеріне мыналар жатады:

күштер мен құралдарды төтенше жағдайлар мен дұшпанның қарулы шабуылы кезінде іс-қимыл жасауға әзірлеу жөніндегі азаматтық қорғаныстың бүкіл шаралар кешенін орындауды ұйымдастыру;

апат аймақтары мен зақымдалу ошақтарында олардың зардаптарын жою кезінде құтқару ісі мен басқа да шұғыл жұмыстарды ұйымдастыру;

Қазақстан Республикасының бейбіт кезең мен соғыс уақытына арналған азаматтық қорғаныс жоспарларын әзірлеп, оның жүзеге асырылуына бақылау жасау, сондай-ақ аумақтық және салалық басқару органдарының бейбіт кезең мен соғыс уақытына арналған азаматтық қорғаныс жоспарларын әзірлеуге әдістемелік басшылықты, олардың толықтығы мен сапасына бақылауды жүзеге а с ы р у ;

қорғаныс құрылыстарын, басқару пункттерін салуға, құлақтандыру мен байланыс жүйелерін, азаматтық қорғаныстың басқа да объектілерін құруға, азаматтық қорғаныстың инженерлік-техникалық шараларын жобалау нормаларының сақталуына бақылауды жүзеге асыру;

азаматтық қорғаныс басшы құрамының, басқару органдары мен күштерінің даярлығын, сондай-ақ халықты бейбіт кезең мен соғыс уақытында төтенше жағдайлар туу қаупі төнген және туған кезде іс-қимыл жасауға үйретуді

ұйымдастыру және бақылау жасау;

азаматтық қорғаныс басқару органдары мен республика халқын бейбіт кезең мен соғыс уақытындағы төтенше жағдайларда құлақтандыру жүйелерін құру және олардың ұдайы даяр тұруын қамтамасыз ету;

азаматтық қорғаныс штабтарында, әскери бөлімдері мен бөлімшелерінде оперативтік, әскери және жұмылдыру даярлығы шараларын жоспарлауды жүзеге асырып, олардың орындалуын қамтамасыз ету;

азаматтық қорғаныс күштерінің бейбіт кезең мен соғыс уақытындағы төтенше жағдайларда міндеттерін орындау барысындағы іс-қимылы мен олардың өзара іс-әрекетін басқару;

әскери басқару органдарымен және әскермен бейбіт кезең мен соғыс уақытында міндеттерді бірлесе орындау үстінде өзара іс-қимыл жасасу;

азаматтық қорғаныс шараларын орындау жөніндегі министрліктер мен ведомстволардың, аумақтық азаматтық қорғаныс органдарының жұмысын үйлестіру;

аумақтық және салалық басқару органдарымен бірлесе отырып азаматтық қорғаныс басқару органдарының, қызметтері мен күштерінің тексерулерін, штабтық-командалық, арнаулы оқулары мен жаттығуларын жоспарлап, өткізу;

республика аумағындағы жағдайға ұдайы оперативтік бақылау жасауды ұйымдастырып, жүзеге асыру және төтенше жағдайлар қаупі кенеттен төнген және туған кезде шұғыл шешімдер қабылдау.

3. Қазақстан Республикасының азаматтық қорғаныс Штабының:

Қазақстан Республикасының Министрлер Кабинетіне ұсыныстар енгізуге және Штаб құзырына қатысты мәселелер бойынша заң және үкімет актілерін әзірлеуге қатысуға;

меншік нысаны мен ведомстволық бағыныстылығына қарамастан, белгіленген тәртіппен министрліктерден, ведомстволардан, кәсіпорындардан, ұйымдар мен мекемелерден азаматтық қорғаныс міндеттерін шешуге қажетті мәліметтерді сұрау салып, алуға;

азаматтық қорғаныс мәселелері бойынша министрліктердің, ведомстволардың, меншіктің барлық нысанындағы кәсіпорындар, ұйымдар мен мекемелердің орындауы үшін міндетті болып табылатын әдістемелік ұсыныстар, тәлімдемелер, ережелер мен нұсқаулықтарды басып шығаруға;

азаматтық қорғаныс мәселелері жөнінде халықаралық ынтымақтастық туралы келісімдерді әзірлеуге қатысуға;

азаматтық қорғаныс штабтары, бөлімдері мен бөлімшелерін қаруландыруға (жабдықтауға) әскери және басқа да техника мен мүлікті қабылдауға, Қазақстан Республикасының Министрлер Кабинеті белгілеген тәртіппен материалдық құндылықтар мен ақша қаражатын есептен шығаруға;

республикалық және жергілікті өкімет пен басқару органдары алдында азаматтық қорғаныс жөніндегі тапсырмалар мен шараларды үздік орындағаны үшін лауазымды адамдар мен азаматтарды ынталандыру туралы, сондай-ақ азаматтық қорғаныс жөнінде жүктелген міндеттердің орындалуын қамтамасыз етпеген лауазымды адамдарға жазалау шараларын қолдану туралы өтініш ж а с а у ғ а қ ұ қ ы ғ ы б а р .

4. Азаматтық қорғаныс штабтарын, бөлімдері мен бөлімшелерін жауынгерлермен, запастағы әскери міндетті адамдармен толықтырып отыру Қазақстан Республикасының "Жалпыға бірдей әскери міндеттілік және әскери қызмет туралы" Заңына сәйкес жүргізіледі.

Азаматтық қорғаныс штабтары, әскери бөлімдері мен бөлімшелері офицерлік құрамының тұлғаларына, прапорщиктер мен мерзімнен тыс әскери қызмет өтеушілерге подполковник атағына дейінгі, оны қоса алғанда, әскери атақтар беруді, оларды лауазымдарға тағайындауды, қызмет бабында өсіруді, прапорщиктер мен мерзімнен тыс әскери қызмет өтеушілерді әскери қызметтен босатуды Қазақстан Республикасы азаматтық қорғаныс Штабының бастығы жү з е г е а с ы р а д ы .

Азаматтық қорғаныс штабтары, әскери бөлімдері мен бөлімшелері офицерлік құрамының тұлғаларына полковник әскери атағын беруді, оларды әскери қызметтен босатуды Қазақстан Республикасы азаматтық қорғаныс Штабы бастығының ұсынысы бойынша Қазақстан Республиканың Қорғаныс министрі жү з е г е а с ы р а д ы .

Азаматтық қорғаныс органдары үшін офицерлер даярлау Қазақстан Республикасы мен басқа да мемлекеттердің жоғары оқу, әскери-оқу орындарында жү з е г е а с ы р ы л а д ы .

Прапорщиктерді, сержанттар (старшиналар) мен солдат-мамандарды даярлау Қазақстан Республикасы Қарулы Күштерінің оқу бөлімдерінде жү з е г е а с ы р ы л а д ы .

Офицерлік құрамның кәсіби деңгейін көтеру әскери-оқу орындарының факультеттері, кафедралары мен курстарында және Төтенше жағдайлардағы іс-қимылға және азаматтық қорғанысқа даярлау жөніндегі республикалық орталықта жү з е г е а с ы р ы л а д ы .

5. Қазақстан Республикасы азаматтық қорғаныс Штабын, оған бағынысты штабтарды, әскери бөлімдерді, мекемелер мен бөлімшелерді қаржыландыру, материалдық-техникалық және әлеуметтік-тұрмыстық қамтамасыз ету республикалық бюджет есебінен жүзеге асырылады.

